

EVROPSKA ZAJEDNICA ZA STOČARSKU PROIZVODNJU (EAAP)

32. godišnje zasjedanje Evropske zajednice za stočarsku proizvodnju (EAAP) — Zagreb, 1981.

ZAVRŠNI IZVJEŠTAJ

32. godišnje zasjedanje Evropske zajednice za stočarsku proizvodnju (EAAP) održano je u Zagrebu u vremenu od 31. 08. do 3. 09. 1981. g. Odluka o održavanju 32. godišnjeg zasjedanja EAAP 1981. g. u Jugoslaviji donesena je na 29. godišnjem zasjedanju EAAP 1978. godine u Stockholmu.

1. ORGANIZACIONE PRIPREME ZA ZASJEDANJE

Ubrzo nakon donošenja odluke 1978. g. o održavanju 32. godišnjeg zasjedanja EAAP 1981. g. u Jugoslaviji, uz prethodnu suglasnost saveznih i republičkih organa, započele su pripreme za organizaciju tog zasjedanja. Jugoslavenska zajednica naučno-istraživačkih organizacija u oblasti stočarskih nauka, kao članica Evropske zajednice za stočarsku proizvodnju (EAAP), preuzela je zadatak da bude **nosilac** tog skupa. Na sjednici Savjeta Zajednice održanoj 30. 01. 1979. g. odlučeno je da se taj skup održi u Zagrebu. Kao organizator 32. godišnjeg zasjedanja EAAP izabran je Institut za stočarstvo i mljekarstvo Fakulteta poljoprivrednih znanosti Sveučilišta u Zagrebu, koji je kao fizička i pravna osoba preuzeo na sebe društvene i materijalne obaveze održavanje ove konferencije.

Za pripremu 32. godišnjeg zasjedanja EAAP u Zagrebu formiran je **Organizacioni odbor** koji je prihvaćen na sjednici Savjeta Jugoslavenske zajednice od 24. 04. 1979. g. Organizacioni odbor formiran je u slijedećem sastavu:

Prof. dr Hrvoje Zlatić, predsjednik

Prof. dr Zdravko Crnojević, sekretar

Prof. dr Jože Ferčej, član — organizacija ekskurzija

Prof. dr Stevo Jančić, član — štampanje referata

Prof. dr Slobodan Živković, član — organizacija konferencije

Prof. dr Damjan Zeremski, član — propaganda

Dr Ivan Novak, član — finansiranje konferencije

Doc. dr Nikola Stipić, član — smještaj učesnika

Mr Jasmina Lukač-Skelin, član — program za prateće osobe

U toku rada u Organizacioni odbor kooptirani su za članove: Prof. dr Antun Petričević i doc. dr Ivan Jurić, a Odbor je napustio prof. dr Stevo Jančić.

Sekretarsko-administrativne poslove obavljala je prof. Alice Smolek-Stepinac.

U toku priprema za konferenciju, Organizacioni odbor održao je 7 sastanaka na kojima su detaljno pretresane pripreme za konferenciju. Sastancima Organizacionog odbora u drugoj polovici priprema za konferenciju prisustvovao je i predsjednik Jugoslavenske zajednice naučno-istraživačkih organizacija u oblasti stočarskih nauka prof. dr Novica Mitić.

Koncem 1980. g. formiran je **Jugoslavenski komitet EAAP** kao sponsor 32. godišnjeg zasjedanja EAAP, sastavljen od 44 člana, predstavnika privrednih i društvenih organizacija, na čelu s predsjednikom ing. Milovanom Zidarom, predsjednikom Saveznog komiteta za poljoprivredu.

Organizacioni odbor razradio je program rada koji je obuhvatio slijedeća područja i zadatke:

- organizacija redovnog rada konferencije (Živković, Zlatić, Crnojević)
- štampanje referata i programa konferencije (Jančić, Božac, Rupić, Berić, Liker)
- Smještaj učesnika konferencije (Stipić, Smolek-Stepinac)
- Propaganda i reklame (Zeremski, Mužić)
- Svečane i popratne priredbe (Lukač-Skelin, Zlatić)
- Stručne akkurzije (Ferčej, Petričević, Jurić, Stipić)
- Financiranje konferencije (Novak, Jurić)
- Tehnika i tehnička oprema konferencije (Božac)

Organizacioni odbor je u toku svog rada bio u neprestanom pismenom i telefonskom kontaktu sa Sekretarijatom EAAP u Rimu. Generalni sekretar dr K. Kallay, i mrs. N. Mašanović pružili su dragocjenu i svesrdnu pomoć Organizacionom odboru u njegovu radu.

Osim članova Organizacionog odbora koji su na organizaciji konferencije radili od početka svog mandata, u posljednjih 6 mjeseci priprema za konferenciju organizacijskim pripremama pridružilo se još 6 članova Instituta za stočarstvo i mljekarstvo u Zagrebu, a posljednjih 15-30 dana i za vrijeme održavanja konferencije daljnjih 20 članova tog Instituta.

Cjelokupni taj tim na čelu s Organizacionim odborom obavio je izuzetno težak, složen i naporan posao.

2. TOK ZASJEDANJA

32. godišnje zasjedanje EAAP održano je u prostorijama hotela »Intercontinental« i »Esplanade« u Zagrebu. U oba hotela stajalo je na raspolaganju 6 dvorana u kojima se odvijao rad stručnih komisija, te nekoliko manjih prostorija za rad sekretarijata i za manje sastanke.

Sve dvorane bile su opremljene potrebnim tehničkim aparatima, a 1 dvorana u kojoj su se održavale zajedničke sjednice (joint sessions) imala je kabine za simultano prevođenje s potrebnom aparaturom i slušalicama.

Radni program konferencije

30. 08. 1981. 32. godišnje zasjedanje EAAP započelo je 30. 08. 1981. prijepodnevnom sjednicom Savjeta EAAP koju je otvorio predsjednik EAAP, prof. dr E. P. Cunningham u prisustvu generalnog sekretara dr K. Kallaya i svih članova Savjeta (odsutan prof. dr Vaz Porugal). Poslije podne istoga dana održane su još 3 sjednice:
- sjednica predsjednika studijskih komisija
 - sjednica uredništva časopisa »Livestock Production Science«
 - zajednička sjednica Savjeta, predsjednika studijskih komisija i uredništva LPS.
- Uveče toga dana svi članovi ovih organa EAAP bili su gosti na večeri koju je priredio Organizacioni odbor.
31. 08. 1981. Konferencija je započela u ponedjeljak 31. 08. 1981. g. u 9 sati radom svih 7 stručnih komisija do 12.30 sati. Stručne komisije nastavile su radom istog dana poslije podne od 14.00 do 17.30 sati.
- Uveče prvog dana konferencije, tj. 31. 08. 1981. održano je svečano otvaranje 32. godišnjeg zasjedanja EAAP u 20 sati u Koncertnoj dvorani »V. Lisinski«, a zatim je Skupština grada Zagreba priredila u istim prostorijama prijem za učesnike zasjedanja i uzvanike.
01. 09. 1981. Drugi dan zasjedanja, utorak 1. 09. 1981. g., protékao je u prijepodnevnom i poslijepodnevnom zasjedanju svih stručnih komisija od 9.00 do 12.30 sati i od 14.00 do 17.30 sati.
- Uveče istog dana u 20.30 sati Organizacioni odbor priredio je Folklorno veče u prostorijama »Gradskog podruma« u Zagrebu.
02. 09. 1981. U toku prijepodneva 2. 09. 1981. zasjedale su sve stručne komisije od 9.00 do 12.30 sati.
- U 14 sati toga dana svi učesnici zasjedanja i njihovi pratioci u organizaciji Organizacionog odbora prevezeni su u Križevce gdje su prisustvovali stočarskoj smotri, a zatim zabavnoj priredbi s večerom.
03. 09. 1981. Završne sjednice svih stručnih komisija održane su 3. 09. 1981. g. od 8.30 do 10.30 sati. Nakon toga, od 11.00 do 13.00 sati održana je Generalna skupština EAAP i izvršeno zatvaranje zasjedanja.
- Istoga dana u 14.00 sati krenule su iz Zagreba 2 stručne ekskurzije (ekskurzija 3 i 4).
04. 09. i Dana 4. 09. 1981. g. na put u 8.00 sati krenule su preostale 2
05. 09. 1981. stručne ekskurzije (ekskurzija 1 i 2). Sve stručne ekskurzije završile su 5. 09. 1981. g. povratkom u Zagreb ili do krajnjih odredišta pojedinih ekskurzija (ekskurzija 3 — Beograd, ekskurzija 4 — Dubrovnik).

3. PRIJAVE I SMJEŠTAJ UČESNIKA

Svi učesnici zasjedanja prijavili su svoje učešće putem prijavnih formulara uz naplatu kotizacije za aktivne učesnike u visini od 200 US\$ (do 30. juna 1981., a zatim 220 US\$), a za prateće osobe 100 US\$ (do 30. juna 1981., a zatim 120 US\$). Gotovo svi učesnici iz stranih zemalja prijavili su svoje učešće do 30. juna 1981. g.

Za učesnike iz Jugoslavije kotizacija je iznosila 4.000 Din. (za aktivne učesnika), odnosno 2.000 Din (za prateće osobe).

Svi učesnici zasjedanja bili su smješteni u zagrebačkim hotelima: »Intercontinental«, »Esplanade«, »Dubrovnik«, »Plava laguna«, »Beograd« i »Studentom«.

Organizaciju smještaja vršila je Turističko-ugostiteljska organizacija »General turist« iz Zagreba.

4. BROJ UČESNIKA ZASJEDANJA

Na 32. godišnjem zasjedanju EAAP u Zagrebu učestvovalo je ukupno 690 aktivnih učesnika i 86 pratećih osoba. Od broja aktivnih učesnika, 672 učesnika bili su pripadnici zemalja članica EAAP, a 18 učesnika bilo je iz prekomorskih zemalja. Od pratećih osoba 83 su bile iz zemalja članica EAAP, a 3 osobe iz prekomorskih zemalja.

Iz pojedinih zemalja sudjelovao je slijedeći broj učesnika:

<i>Članice EAAP:</i>	<i>Aktivni učesnici</i>	<i>Prateće osobe</i>
Austrija	11	2
Belgija	11	3
Bugarska	1	
Čehoslovačka	3	
Njemačka Dem. Republika	5	
Danska	22	1
Irska	16	2
Savezna Rep. Njemačka	50	14
Finska	15	2
Francuska	31	5
Grčka	4	
Madžarska	28	
Island	3	
Izrael	2	1
Italija	32	6
Luksemburg	1	1
Nizozemska	35	7
Norveška	21	6
Poljska	26	
Portugal	3	

<i>Članice EAAP:</i>	<i>Aktualni učesnici</i>	<i>Prateće osobe</i>
Spanjolska	7	5
Švedska	35	4
Švicarska	35	9
Tunis	2	
Turska	1	
Velika Britanija	44	9
SSSR	3	
Jugoslavija	225	6
	672	82
<i>Iz ostalih, neevropskih zemalja:</i>		
Alžir	1	2
Australija	1	
Etiopija	2	
Japan	1	
Kenija	2	
Liberija	1	
Libija	2	1
Novi Zeland	2	
Sirija	1	
USA	5	
	18	3
Ukupno:	690	86

5. REFERATI — PRIJAVE I ŠTAMPANJE

Na temelju priprema koje su izvršili predsjednici i sekretari stručnih komisija, određeni su programi rada pojedinih komisija i određeni voditelji pojedinih tematskih sjednica.

Na sastanku u Zeist-u (Nizozemska), održanom u jesen 1980. godine, kojemu su prisustvovali dr K. Kallay, dr H. de Boer, dr G. Averdunk, J. Southgate, i dr S. Jančić, donijeta je odluka da se smanji broj stranica referata za konferenciju, i to glavnih referata od 12 na 8 stranica, te kratkih referata od 8 na 4 stranice. Osim toga je zaključeno da su autori referata dužni da napišu i sadržaje referata do 100 riječi na 2 preostala jezika.

Rok za prijavu referata predsjednicima komisija bio je 15. januar 1981, Organizacionom odboru do 15. februara 1981, a rok za predaju referata 1. maj 1981. g.

Većina autora nije se pridržavala gornjih odluka i zbog toga je došlo do znatnih odstupanja: preko 50% autora napisalo je 10 i 12 stranica glavnih referata umjesto 8, a 6 — 8 stranica kratkih referata umjesto 4.

Do roka za prijavu referata Organizacionom odboru 15. februara 1981. prijave je poslalo preko 75% autora. No, rok za dostavu napisanih referata bio je znatno premašen, što je zbog kratkoće vremena za štampanje činilo velike poteškoće Organizacionom odboru.

Dinamika dostave i štampanje referata dala je ovu sliku:

Prijavljeni referati	372
Otkazani referati na vrijeme	8
Neotkazani referati	42
Primljeni referati	322
Štampani referati	321

Jedan referat nije štampan, jer je primljen za vrijeme održavanja konferencije.

Dinamika pristizanja referata Organizacionom odboru:

do 1. maja 1981.	49 referata	(15,22%)
do 1. juna 1981.	150	„ (46,58%)
do 1. jula 1981.	80	„ (24,83%)
do 1. augusta 1981.	31	„ (9,63%)
do 30. augusta 1981.	12	„ (3,73%)
	Ukupno:	322 „ (100,00%)

Referati su štampani u štampariji Sveučilišne naklade »Liber« u Zagrebu. Svi referati pristigli prije konferencije na vrijeme su štampani.

Svaki učesnik konferencije sa uplaćenom kotizacijom mogao je dobiti gratis štampane referate sa 6 sjednica različitih stručnih komisija, dok se je ostale referate plaćalo posebno. Jedan dio referata prikazan je na sjednicama u formi postera. Taj se način prikazivanja radova pokazao dosta prikladnim, ali organizacija poster sjednica zahtijeva dodatnu pažnju prilikom narednih konferencija.

Učešće naših stručnjaka u radu stručnih komisija bilo je značajno, a odnosilo se je na predsjedavanje sjednicama, vođenje diskusije, podnošenje referata i učešće u diskusiji. Tako je prof. dr N. Mitić predsjedavao jednoj sjednici Komisije za ovčarsku i kozarsku proizvodnju.

Kao voditelji diskusija na po jednoj sjednici sudjelovali su:

- Prof. dr Lj. Lazarević (Komisija za animalnu genetiku)
- Prof. dr J. Ferčej (Komisija za govedarsku proizvodnju)
- Prof. dr S. Živković (Komisija za svinjogojsku proizvodnju)
- Prof. dr M. Herak (Komisija za svinjogojsku proizvodnju)
- Prof. dr J. Jurković (Komisija za konjarsku proizvodnju)

Naši su stručnjaci aktivno sudjelovali u radu stručnih komisija podnošenjem referata. Naša je zemlja bila zastupana sa ukupno 54 referata (51 referat naših autora i 3 referata u suradnji s autorima iz drugih zemalja), a ukupno je u tim referatima sudjelovalo 144 autora i koautora.

No, iako je broj podnesenih referata naših autora bio značajan, učešće po pojedinim komisijama bilo je neravnomjerno, a isto tako je bilo neravnomjerno i učešće iz pojedinih naših instituta, odnosno gradova.

Pregled podnesenih referata iz Jugoslavije:

	+G	N	M	C	S	P	H	Ukupno
Beograd	2	6	++1(+1)	2	2	7	—	20(+1)
Zagreb	—	—	—	1	—	1	1	3
Novi Sad	—	3	—	2	—	5	—	10
Ljubljana	2(+1)	7	—	2	—	2	2	15(+1)
Titograd	—	—	—	—	4	—	—	4
Sarajevo	—(+1)	—	—	—	—	—	1	1(+1)
	4(+2)	16	1(+1)	7	6	15	4	53(+3)

+ G = genetika; N = ishrana životinja; M = držanje i zdravlje; C = govedarska proizvodnja; S = ovčarska i kozarska proizvodnja; P = svinjogojka proizvodnja; H = konjarska proizvodnja.

++ () = Referat u suradnji s inostranim autorima.

6. PRIREDBE U TOKU KONFERENCIJE

Povodom održavanja 32. godišnjeg zasjedanja EAAP Zagreb 1981. održano je nekoliko prigodnih priredaba.

— Svečano otvaranje 32. godišnjeg zasjedanja održano je u ponedjeljak 31. augusta 1981. u 20 sati u Koncertnoj dvorani »V. Lisinski« uz prisustvo 1.300 učesnika i uzvanika konferencije. Priredbu je otvorio predsjednik Organizacionog odbora prof. dr H. Zlatić, a zatim je predsjednik EAAP prof. dr E. P. Cunningham uputio pozdravne riječi domaćinima i učesnicima konferencije. Konferenciju je zatim pozdravio i proglasio otvorenom predsjednik Saveznog komiteta za poljoprivredu SFR Jugoslavije ing. M. Zidar. Referat o stočarstvu Jugoslavije podnio je predsjednik Jugoslavenske zajednice naučno-istraživačkih organizacija u oblasti stočarskih nauka prof. dr N. Mitić, a priredbu je pozdravnim riječima zaključio predsjednik Skupštine grada Zagreba I. Latin. U programu konferencije sudjelovao je Akademski zbor studenata Zagrebačkog sveučilišta »Ivan Goran Kovačić«. Iza svečanosti otvaranja predsjednik Skupštine grada priredio je prijem za učesnike konferencije.

— Prvog dana konferencije (31. 08. 1981) počeo je i program za prateće osobe. Toga dana učesnici tog programa posjetili su Hrvatsko zagorje i Kumrovec, rodno mjesto predsjednika Tita. Drugog dana konferencije na programu je bio posjet Plitvičkim jezerima, a trećeg dana obilazak znamenitosti grada Zagreba.

— Drugog dana konferencije uveče (1. 09. 1981) održano je za učesnike konferencije u prostorijama »Gradskog podruma« u Zagrebu »Folklorno večer« na kojem je prikazan dio plesova i pjesama naroda Jugoslavije. Priredbi je prisustvovalo oko 70 učesnika konferencije. Iza priredbe priređen je prijem kojega je organizirao Organizacioni odbor.

— Trećeg dana konferencije (2. 09. 1981) poslije podne svi učesnici konferencije prisustvovali su stočarskoj smotri priređenoj u čast održavanja 32. godišnjeg zasjedanja EAAP, u 60 km udaljenim Križevcima. Učesnike konferencije je u središtu grada pozdravio predsjednik Skupštine grada Križevci S. Kešer, a zatim su učesnici konferencije prisustvovali predvođenju odabranog broja stoke, tj. goveda, konja i svinja. Predvođena su matična grla goveda simentalke pasmine, tj. bikovske majke, linija bika Hektusa, junice kćeri bika Hazdrubala, te junice kćeri bika Mani. Od konja prikazani su hladnokrvni konji, lipicanski i holsteinski konji. Izložba svinja bila je zastupljena njemačkim landrasom, velikim jorkširom i švedskim landrasom. Nakon smotre stoke održana je prigodna konjičko-sportska priredba u toku koje je prikazano preskakivanje prepona i vožnja četveroprega. Iza stočarske smotre učesnici konferencije razgledali su izložbu proizvoda prehrambene industrije podravsko-bilogorske regije, a zatim je Organizacioni odbor u suradnji s Poljoprivrednim institutom Križevci priredio zabavu s večerom.

Priredbi u Križevcima prisustvovalo je 1.000 stranih i domaćih učesnika.

7. STRUČNE EKSKURZIJE POSLIJE KONFERENCIJE

Za učesnike 32. godišnjeg zasjedanja Evropske zajednice za stočarsku proizvodnju — EAAP — organizirane su 4 stručne ekskurzije nakon konferencije. One su imale za cilj da učesnike konferencije upoznaju s jednim dijelom stočarske proizvodnje u Jugoslaviji, posebno na velikim društvenim gospodarstvima, odnosno stočarskim farmama. Dvije ekskurzije su trajale 2 1/2 dana, a dvije 2 dana.

7.1. Stručna ekskurzija u Lipicu i južnu Sloveniju

Ova 2-dnevna stručna ekskurzija započela je 4. 09. 1981. ujutro i završila 5. 09. 1981. uveče. Učesnici su autobusom krenuli iz Zagreba prema Sloveniji i na putu se zaustavili u mjestu Kostanjevica, gdje su razgledali poznati samostan i izložbu skulptura na otvorenom prostoru — »Forma viva«. Rano poslije podne stigli su u Lipicu, centar uzgoja lipicanskog konja u Jugoslaviji. Učesnici su razgledali objekte ergele Lipica, prisustvovali izvođenju i upoznavanju rasplodnih grla te promatrali dresuru konja. Drugog dana nastavljeno je razgledavanje Lipice i učestvovanje u demonstriranju konja.

Na povratku iz Lipice u Zagreb, učesnici ekskurzije razgledali su poznatu postojinsku spilju.

Ovoj stručnoj ekskurziji prisustvovalo je 24 učesnika konferencije.

7.2. Stručna ekskurzija u sjeverozapadnu Hrvatsku i Sloveniju

Ova 2-dnevna stručna ekskurzija započela je 4. 09. 1981. ujutro i završila 5. 09. 1981. uveče.

Učesnici ekskurzije su autobusom krenuli u Varaždin gdje su posjetili Stanicu za performance test simentalških i smeđih bikova, a zatim su posjetili SOUR »Varaždinka« — farma »Brezje« i razgledali tovilište sa 1.000 simentalške junadi te prisustvovali siliranju kukuruzne stabljike.

U Sloveniji je Kombinat ABC »Pomurka« 4. 09. 1981. poslije podne i uveče priredio prijem za učesnike ekskurzije u vinskoj kleti na Kapeli uz prigodan kulturno-umjetnički program.

Drugi dan ekskurzije, 5. 09. 1981, učesnici ekskurzije prisustvovali su svečanosti otvorenja nove stanice za uzgoj bikova u Stočarsko-veterinarskom zavodu u Murskoj Soboti. Učesnicima su također prikazani primjerci rasplodnih goveda crveno-šare pasmine.

Iza toga ekskurzija je posjetila gospodarstvo M. Slaviča u Ključarevcima, koje su učesnici, posebno konje, s velikim zanimanjem razgledali. Poslije podne za učesnike je u Ljutomeru priređena revija priplodnih konja, kasača i noričana. Prikazana je također trka kasača. Program je bio vrlo savjesno sastavljen.

Na povratku u Zagreb učesnici ekskurzije posjetili su stari grad Traškoćan u Hrvatskom zagorju.

Ovoj stručnoj ekskurziji prisustvovalo je 43 učesnika konferencije.

7.3. Stručna ekskurzija u istočnu Hrvatsku i Vojvodinu

Učesnici ove 2 1/2-dnevne ekskurzije krenuli su autobusima iz Zagreba 3. 09. 1981. i završili ekskurziju 5. 09. 1981. u Beogradu.

Učesnici ekskurzije stigli su prvog dana u Vinkovce i tu prenoćili. Drugog dana, tj. 4. 09. 1981. g., posjetili su voćnjak »Borinci« PIK-a Vinkovci uz slobodnu berbu jabuka. Nakon toga posjetili su farmu muznih krava »Slatina« PIK-a Vinkovci, sa 1.380 muznih krava.

Istog dana u podne učesnici ekskurzije stigli su u Đakovo gdje su bili gosti PIK-a Đakovo. Tu su razgledali svinjogojsku farmu, a nakon toga posjetili su pastuharnu i ergelu PIK-a Đakovo sa lipicanskim konjima. Boravak u Đakovu završen je večerom koju je priredio PIK Đakovo i obilaskom znamenite katedrale u Đakovu. Istog dana uveče učesnici ekskurzije stigli su u Novi Sad gdje su prenoćili.

Slijedećeg dana prije podne učesnici ekskurzije su posjetili PIK »Bečej« u Bečeju i razgledali staru govedarsku farmu, a iza toga novu govedarsku i novu svinjogojsku farmu. Nakon ručka kojega je priredio PIK »Bečej« učesnici su otputovali u Beograd i tako završili ovu veoma uspješnu stručnu ekskurziju.

Ovoj ekskurziji prisustvovalo je 55 učesnika konferencije.

7.4. Stručna ekskurzija u Sarajevo, Mostar i Dubrovnik

Ova 2 1/2 dnevna stručna ekskurzija započela je 3. 09. 1981. g. poslije podne i završila 5. 09. 1981. g. uveče. Učesnici ekskurzije krenuli su autobusom iz Zagreba i na putu prema Banja Luci zaustavili su se u Novoj

Topoli. U Novoj Topoli razgledali su svinjogojsku farmu AIPK »Bosanska Krajina« sa matičnim stadom krmača i nerastova i proizvodnjom 50.000 tovljenika godišnje. Nakon toga obišli su, također u Novoj Topoli, farmu muznih krava AIPK »Bosanska Krajina« crno-šare pasmine i upoznali se s proizvodnjom mlijeka na toj farmi.

Učesnici ekskurzije prenoćili su u Sarajevu. Ujutro drugog dana razgledali su znamenitosti grada Sarajeva, a zatim nastavili put u Mostar. U Mostaru su bili gosti Poljoprivrednog kombinata »Hepok-Hercegovina« gdje im je prikazano djelovanje tog kombinata u stočarskoj proizvodnji te u proizvodnji cvijeća i vina. Nakon toga učesnici su razgledali grad Mostar.

Istog dana predveče učesnici ekskurzije stigli su u Dubrovnik. Slijedećeg dana razgledali su znamenitosti tog drevnog grada i time je ta ekskurzija završena.

Ovoj ekskurziji prisustvovalo je 39 učesnika konferencije.

8. FINANSIRANJE KONFERENCIJE

Organizacija ovakve konferencije kao što je bilo 32. godišnje zasjedanje EAAP 1981. g. u Zagrebu zahtijeva relativno velika materijalna sredstva kojima se, osim smještaja i boravka učesnika konferencije, moraju pokriti svi materijalni i lični troškovi organizacije konferencije.

Za pokriće tih troškova, materijalna sredstva skupljaju se iz slijedećih izvora:

- a) kotizacija učesnika konferencije
- b) sredstvima iz fondova zemlje domaćina
- c) priloga domaćih i inozemnih poduzeća.

Prihodi i rashodi troškova konferencije prikazani su u pregledu koji slijedi, s napomenom da je izvršeni obračun prihoda i rashoda sačinjen na temelju stanja 30. 09. 1981.

P R I H O D I

a) Kotizacija učesnika

	US \$	Din
365 učesnika a 200 US \$	73.000	
32 učesnika a 220 US \$	7.040	
75 pratećih osoba a 100 US \$	7.500	
5 pratećih osoba a 120 US \$	600	
163 učesnika a 4.000 Din		652.000,00
6 pratećih osoba a 2.000 Din		12.000,00
b) Naplata dodatnih referata po sjednicama		
413 referata a 5 US \$	2.065	
15 referata a 100 Din		1.500,00
	90.205	3.452.641,40
		4.118.141,40

c) Sredstva iz fondova zemlje**domaćina**

— Savez SIZ-ova za nauku SFRJ	519.200,00
— SIZ za znanosti SR Hrvatske (1980)	100.000,00
— SIZ za znanosti SR Hrvatske (1981)	500.000,00
— Savezni komitet za polj. (1980)	100.000,00
— Savezni komitet za polj. (1981)	50.000,00
	1,269.200,00

d) Sredstva privrednih

organizacija Jugoslavije	526.175,80
Sveukupno: (a + b + c + d)	5,913.517,20

R A S H O D I**Din**

— Službena putovanja	108.826,80
— Osobni dohoci	1,055.173,80
— Doprinos za stambenu izgradnju (3%)	32.122,30
— Kancelarijski materijal	139.967,10
— Fotokopiranje i prepisi	262.799,55
— PTT — takse	63.169,50
— Usluge »Libera« — štampanje programa i referata	1,808.724,00
— Organizacija stočarske smotre u Križevcima	515.000,00
— Program pratećih osoba	111.000,00
— Prevoz učesnika Zagreb-Križevci-Zagreb	146.680,00
— Najam dvorana, tehnika za simultano prevođenje	81.464,00
— OZEHA, taške i bedževi	102.944,00
— Studentservis	96.046,00
— Dvorana »V. Lisinski«, pjevački zbor i muzika u Križevcima	101.250,00
— Ostali tehnički troškovi	158.181,30
— Reprezentacija	469.897,45
hrana i piće za prijem nakon otvaranja	133.038,40
Folklorno veče	160.708,00
Večera u »Esplanade«	55.125,00
Kave u toku konferencije	97.645,00
ostali troškovi	23.381,05
— Porez na reprezentaciju (30%)	140.969,20
— Autorski honorari	187.464,60
— Potrošni materijal	33.631,60
— Rad po ugovoru o djelu	1.118,50
— Pokriće dijela troškova iz 1980. g.	86.920,20
	Ukupno: 5,703.349,90

R E K A P I T U L A C I J A

Prihodi	5,913.517,20 Din
Rashodi	5,703.349,90 Din

Pozitivna razlika: 210.167,30 Din

Dake, na dan 30. 09. 1981. g., kada je ovaj obračun izvršen utvrđen je pozitivan saldo od 210.167,30 N. Din. U međuvremenu isplaćeni su zaostali računi, tako da je sa 31. 12. 1981. g. pozitivan saldo iznosio 20.673,00 N. Dinara.

Treba, međutim, napomenuti da je organizacija konferencije stajala za oko 1.000.000,00 N. dinara više od ovdje prikazanog obračuna. U ovom obračunu prikazani su prihodi i rashodi Organizacionog odbora konferencije, a privredne su organizacije uz to pomogle održavanje konferencije i svojim direktnim troškovima ili doprinosima u obliku svojih proizvoda (meso, piće, različiti prehrambeni proizvodi, večera i kulturno-umjetnički program u Križevcima, slobodne tramvaj-karte u gradu Zagrebu i sl.).

Može se zaključiti da je 32. godišnje zasjedanje Evropske zajednice za stočarsku proizvodnju (EAAP) koje je od 31. 08. do 3. 09. 1981. g. održano u Zagrebu uspješno završeno.

Organizacioni odbor kao izvršno tijelo Jugoslavenske zajednice naučno-istraživačkih organizacija u oblasti stočarskih nauka imao je u toku svog rada na pripremama za održavanje zasjedanja kao i u toku samog zasjedanja svestranu podršku, kako rukovodstva Jugoslavenske zajednice i njenih članica, Instituta za stočarstvo i mljekarstvo Fakulteta poljoprivrednih znanosti Sveučilišta u Zagrebu gdje je bilo sjedište Organizacionog odbora, Saveznog komiteta za poljoprivredu, posebno predsjednika druga ing. M. Zidara, Republičkog komiteta za poljoprivredu SR Hrvatske kao i Komiteta i Sekretarijata za poljoprivredu ostalih republika i pokrajina, Samoupravnih interesnih zajednica za naučni rad, sve do mnogobrojnih privrednih organizacija koje su doprinosima u okvirima svojih mogućnosti pomogle održavanje ove značajne konferencije.

Završavajući svoj zadatak, Organizacioni odbor zahvaljuje svim ustanovama, privrednim organizacijama i pojedincima koji su svojim radom i zalaganjem, svojim materijalnim doprinosima i svojim učešćem na konferenciji u značajnoj mjeri pomogli uspješnoj organizaciji, održavanju i završetku konferencije.

Organizacioni odbor 32. godišnjeg zasjedanja Evropske zajednice za stočarsku proizvodnju Zagreb 1981.